



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

De Adûocatia eiusdem per Episcopum Babenbergen.

urn:nbn:de:hbz:466:1-13591

De seruitio in Cœna Domini.

AD memoriam posterum transmittimus, qualiter homo nobilis *Dietricus de Attenperg* contulit huic Ecclesiæ XX. lib. argenti spe mercedis æternæ. Hac videlicet ratione & conditione, vt annuatim in Cœna Domini pro remedio animæ suæ plenariè toti congregationi seruiatur. Sumptus autem seruitij huius de curte nostra *Lintzing* & III. Sol. de curte *Oberndorf* colligatur. Facta sunt hæc præsidente huic loco Præposito Domino *Gerungo*, anno administrationis eius quarto, anno autem ab incarnatione Domini Mill. CC. XXIV. factum est cum omni diligentia, promouit frater *Heinr. Surverpir*.

De Parochia in *Osterhouen* & filiabus.

E*kbertus* Dei gratia *Babenberg*. Episcopus. Vniuersis fidelibus salutem. Quanto deuotio religiosorum virorum studiosius mandatis diuinis inhæret, & creatori suo per opera sanctæ conuersationis intendit, tanto humani generis inimicus ad turbationem eorum suæ fraudis malignitate laborat, & variis modis eis præstat materiam litigandi, vt sic ipsos retrahat à præposito quod iam incepterunt. Hinc est quod nos volumus Ecclesiæ in *Osterhouen* quæ ad nos ratione juris patronatus spectare dinoscitur in posterum prouidere ne falsitas veritati possit præiudicare, aut iniquitas præualere æquitati. Vniuersitati vestræ volumus constare protestantes, quod dicta Ecclesia cum omnibus filiabus suis pleno iure ad fratres Deo ibidem militantes spectare & pertinere cognoscitur. Ne autem super huiusmodi protestatione aliquo modo possit dubitari, & vt fratribus jus eorum saluum permaneat, presentem paginam sygilli nostri munimine roboramus, Anno ab incarnatione M. CC. XXVIII.

De Aduocatia eiusdem per Episcopum *Babenbergen*.

Omnibus Christi fidelibus presentem paginam inspecturis. *Ekbertus* Dei gratia *Babenbergen*. Ecclesiæ Episcop. salutem in Domino. Vniuersitati vestræ patere volumus & constare, quod nos subscriptam priuilegij formam cum sygillis hic annotatis in thesaurario nostro reconditam habemus & conseruatam. *Ludovicus* Dei gratia Palatinus Comes *Reni*, & Dux *Bauaria*, omnibus in perpetuum. Quoniam labilis est memoria hominum, ideo ne ea quæ ritè agantur, postmodum in dubium reuocentur, consueuerunt scripti munimine roborari. Quapropter notum esse cupimus tam præsentibus quàm futuris, quod venerabilis Dominus noster *Ekbertus Babenberg*. Episcopus nos & *Ottonem* filium nostrum, & omnes hæredes nostros qui nobis iure feudali debent succedere, de feodo *Alrami* & *Alberti* fratrum de *Hals*, quod ab ipsis euicit, & mediante sententia obtinuit, coram rege rationabiliter infeodauit. Hoc pacto interposito quod de eodem feodo nihil infeodare nec obligare nec vendere, nec aliquo modo obligare debeamus, nec aliquo modo alienare debeamus ab Ecclesia nec possumus. Adiectum fuit præterea quod nos & noster filius & nostri hæredes debeamus esse contenti antiquo iure aduocatiæ, quod per priuilegia vel per seniores terræ illius poterit declarari; & vt hæc in sua firmitate permaneant, præsentem paginam sygillis Serenissimi Domini nostri *Heinrici Rom. Reg. Alberti Magdeburg Archiepiscopi*, *Heinr. Winacensis Episc.* *Heinr. Episc. Aisteten*. atque nostro nostrique filij *Ottonis* Palatini Comites *Reni*, & *Leupoldi Ducis Austria* fecimus muniti. Testes autem hi sunt, *Rudolfus* Palatinus Comes de *Tenning*, *Hermannus* Marchio de *Paden*, *Chunr.* *Purgrauius* de *Novemberkh*, *Heinr.* Comes de *Otingen*, *Fridericus* de *Trubendingen*, *Dapifer* de *Walipurch* *Chunradus* Pincerna de *Wintersteten*, *Chunr.* de *Winsperch*, *Gotfridus* de *Dikkenpach*, *Hertovicus* de *Hirsperch*, *Leupoldus*

*
Tubing

poldus Pincerna de Vogelsperch, Hademarus de Chunring, & alij quam plures. Adia-
sunt hæc apud *Ezzeling*, Anno Domini M. CC. XXVIII. primæ Indictionis.
Et ut his plena fides adhibeatur, præsentem paginam munimine sigilli nostri
roboramus.

Donatio Paroch. *Osterhouen*, cum annexiis.

NOS *Berchtoldus* Dei gratia *Babenbergen*. Episcopus, præsentis scripto protesta-
mur. Nos literas venerabilis patris antecessoris nostri felicitis memoriæ *Ekkerti* Episcopi vidisse de verbo ad verbum sub hac forma. *Ekkertus* Dei gratia *Ba-
benbergen* Episcopus vniuersis Christi fidelibus salutem. Quanto deuotio reli-
giosorum virorum studiosius mandatis diuinis intenditur, tanto humani gene-
ris inimicus, ad turbationem eorum suæ fraudis malignitate laborat, & variis
modis eis præstat materiam litigandi, ut sic ipsos retrahat à proposito quod jam
inceperunt. Hinc est quod nos volumus Ecclesiæ in *Osterhouen* quæ ad nos rati-
one juris patronatus, spectare dinoscitur in posterum providere, ne falsitas ve-
ritati possit præjudicare aut iniquitas præualere equitati. Vniuersitati vestræ
volumus constare protestantes; quod dicta Ecclesia cum omnibus filiabus suis,
nostra & antecessorum nostrorum largitione pleno jure ad fratres Deo ibidem
militantes, spectare & pertinere cognoscitur. Ne autem super hujusmodi pro-
testatione aliquomodo possit dubitari, & ut fratribus jus eorum saluum per-
maneat, præsentem paginam sigilli nostri munimine roboramus. Anno ab in-
carnatione Domini M. CC. XVIII.

Protestatio litis de Ecclesia in *Chassen*.

IN nomine Domini nostri Iesu Christi Amen. Nos *Vricus* miseratione diuina
Patauien, Archidiaconus, iudex à sede apostolica delegatus. G. eadem mise-
ratione Decanus apud sanct. *Nicolaum* in *Patau*. Iudex subdelegatus omnibus
hanc paginam inspecturis, salutem in verò salutari. Ad notitiam cupimus per-
uenire tam præsentium quam futurorum, quod cum nos de mandato apostoli-
co ad querimoniam *Pilgrini* Clerici, venerabilem in Christo fratrem nostrum
Heinr. Præpositum in *Osterhouen*, *Patauiam* peremptorie citassemus, & ipse co-
ram nobis die statuto compareret, jam dictus *Pilgrinus* Clericus, petiit à nobis
quatenus Præposito & Conuentui in *Osterhouen*, auctoritate qua fungeremur,
præcipere deberemus, ut ipsum P. Clericum Ecclesiam in *Chassen*, ad quam per-
venerabilem in Christo fratrem nostrum *Popponem Altabensem* Abbatem Epif-
copo *Patauien*. Dyocesano ipsorum canonice sicut dicebat fuerat præsentatus
quiete & pacifice permitterent possidere. Sed cum jam dicti Præpositus & Con-
uentus in *Osterhouen* per priuilegia & confirmationes *Patau*, Episcoporum, nec
non & per præscriptionem legitimam Ecclesiã in *Chassen*, tam in temporalibus
quam in spiritualibus ad se pleno jure pertinere parati essent probare, cum etiã
jam dictus Abbas *Altab* in iudicio coram nobis comparens requisitus à nobis,
vtrum se jam dicto P. Clerico præsentatorem in Ecclesia *Chassen* recognoscere
respondet quod ipse Conuentus in *Osterhouen* præscripserat impedire nollet vel
aliquo modo perturbare. P. Clericus nescimus quo instinctu ductus, vel qua im-
probatione petitorum desicere se credebat, vel quia injustã litẽ à se foueri sciebat,
liti & actioni quam aduersus Conuentum in *Osterhouen* intenterat voluntariẽ
cessit nullis profus precib. vel illektionibus super cessione huius interuenientib.
reddens ei rescriptũ quod super hoc à sede apostolica obtinuerat. Nos igitur ha-
bito super hoc prudentiũ nostrorũ consilio, cum propter recognitionẽ Abbatis

Altabensis,